



Bases do Concurso de Deseño da Camiseta Oficial

Participantes

O concurso está aberto a todo o alumnado de primaria dos centros educativos de Galicia.

Temática

O certame organízase con motivo da celebración da **Galiciencia 2026** utilizando a temática de referencia desta edición: *Ciberseguridade*, polo que, partindo dun enfoque conceptual libre e aberto, os deseños deben ter como punto de referencia calquera obxecto ou contorna relacionada coa temática en cuestión.



Condicións e formatos

Poderase presentar un máximo de dous deseños por persoa.

Cada deseño deberá ser presentado por unha única persoa.

Os deseños deberán ser orixinais e inéditos e non ter sido premiados en ningún outro concurso. Os participantes deberán ser os/as autores/as das obras presentadas.

Os deseños deberán presentarse nun folio tamaño A4 (210mmx297mm), e o deseño presentado non poderá ser inferior a un A5 (210mmx148,5mm) de superficie, é dicir, que dentro do folio A4 non se faga un debuxo que ocupe menos da metade do dito folio (A5).

O formato poderá ser horizontal ou vertical.

O deseño deberá realizarse sobre fondo branco.



03 Presentación dos deseños

O prazo de presentación dos deseños é desde o **26 de xaneiro ata o 16 de marzo de 2026**.

Todos os participantes que desexen tomar parte neste concurso deberán enviar (a través do seu profesor/a) un mail cos deseños escaneados ou ben presentar os orixinais na recepción do Parque Tecnolóxico de Galicia. En ambos casos, deberán incluír os seguintes datos:

- Título/s da/s obra/s presentada/s.
- Número de identificación. Este número corresponderase cun nome de alumno/a, que será solicitado ao docente se resultase gañador.
- Nome do centro educativo ao que pertencen.
- Teléfono de contacto, e-mail do docente/titor/a do/a alumno/a participante.
- Enviaranse por correo ao seguinte enderezo galiciencia@tecnopole.gal

Poderán ser presentados os orixinais na recepción do Parque Tecnolóxico de Galicia. En persoa ou por correo postal: Parque Tecnolóxico de Galicia. San Cibrao das Viñas, 32900 Ourense.

Asunto: Concurso de debuxo da Galiciencia 2026.





Xurado

O xurado será asignado pola organización entre persoas expertas na materia.

Resolución

O deseño ganador farase público na web de Galiciencia (www.galiciencia.com) e nas redes sociais de Tecnópole Divulga (Facebook, Instagram e TikTok).

A resolución do concurso é inapelable.

Premio

O/a autor/a do deseño ganador recibirá como premio: camisetas para toda a súa clase de primaria incluídas camisetas para dous docentes e dous familiares.

Ademais estas camisetas serán distribuídas entre o persoal da organización de Galiciencia e os expositores de proxectos.



Observacións

O feito de participar no presente concurso implica a aceptación total das bases.

A organización non se responsabilizará da non chegada das obras ao seu destino.

As obras que non cumpran as condicións de presentación non entrarán en concurso.

A organización resérvase o dereito a modificar ou recortar parcialmente o deseño coa finalidade de adaptalo para a súa impresión nas camisetas.

A organización resérvase o dereito de tomar decisións non reflectidas nas bases, así como solucionar calquera tipo de conflito na interpretación destas.

Tecnópole garante o correcto tratamento dos datos de acordo ao RXPDP (Regulamento xeral de protección de datos) e a lexislación española vixente.

PARQUE TECNOLÓXICO DE GALICIA, S.A., como responsable, fará uso da información persoal concernente ao profesor/a, coa finalidade de posibilitar a participación no concurso. Así mesmo os pais ou titores do ganador/a deberán cubrir o formulario de Protección de datos. Poñemos todo o coidado e contamos coas medidas que a lei esixe para que a información persoal facilitada e/ou o resultado do seu tratamento non chegue a terceiros, salvo imposición legal, encargados de tratamento ou logo do seu consentimento. Ten vostede dereito a exercer os dereitos de acceso, rectificación, cancelación, supresión, limitación e oposición, así como solicitar a súa portabilidade, determinados pola Lexislación vixente en materia de protección de datos persoais, dirixíndose por escrito ao seguinte enderezo: Parque Tecnolóxico de Galicia S.A. Edif. CEI, San Cibrao das Viñas, 32900 Ourense. Ou ao e-mail dpo@tecnopole.gal. Os datos do alumno/a serán conservados ata que finalice o obxectivo polo que foron obtidos, a non ser que unha lei nos lexitime para o seu uso. Así mesmo infórmase que, de consideralo necesario, pode presentar reclamación ante a Axencia Española de Protección de Datos.

Propiedade

Todas as obras premiadas quedarán en propiedade do PARQUE TECNOLÓXICO DE GALICIA, quen se reserva o dereito da súa exposición, reprodución ou publicación, sen que iso supoña perda da autoría dos deseños, cedendo os dereitos de reprodución, exposición e explotación non remunerada, pasando a incrementar o patrimonio cultural, sen que estas poidan ser obxecto de compravenda.



GALICENCIA[®]



Coa colaboración de:

